

Xornal escolar

NÚM. 425
MIÉRCOLES, 6 DE NOVIEMBRE DE 2013
www.laregion.es

XESÚS FARIÑAS

O IES Otero Pedrayo, unha porta aberta á cultura

Historia e vangarda combínanse neste centro que está inmerso en tres proxectos como son Abalar, o Plan Lector e as Seccións Bilingües

CRISTINA R. OURENSE
cristina@laregion.net

O IES Otero Pedrayo é moito máis cun centro de ensino. É unha porta aberta á cultura, un espacio cheo de encanto e de historia que convida a todos os que se achegan ás súas instalacións a gozar tanto da súa arquitectura como do seu Museo Pedagógica e dos volumes cos que contan na Biblioteca, datados do século XIX.

Unha mención especial é a que ben merece o Paraninfo do centro. Este salón de actos convértese na parte máis suntuosa do edificio, que nada ten que envexar ós mellores teatros do século XIX. Na actualidade, impártense alí as clases de Arte Dramático. Este espacio é tamén o escollido para acoller concertos e numerosas ponencias ó longo de cada curso. Por outra banda está o Museo Pedagógico de Galicia do IES Otero Pedrayo, que se atopa nos sotos do centro, recóllese material procedente dos gabinetes de Física, Química e Ciencias Naturais do século XIX e principios do século XX. Este espacio, así como todo o centro de ensino e os seus encantos, está aberto ós demais centros de ensino e asociacións que realizan visitas guiadas e coñe-

O Museo Pedagógico de Galicia do IES Otero Pedrayo é cada curso visitado por alumnos doutros centros de ensino e colectivos

cen en profundidade toda a historia destes espacios.

PROXECTOS E PLANS

Nas súas aulas, corredores e claustros permanecen os recordos imperecedeiros de numerosas promocións de alumnos e mestres entre os que sobresaen nomes como Saco e Arce, Julián Besteiro, Otero Pedrayo, Vicente Risco, Marcelo Macías, Xocas, José Angel Valente, Carlos Casares ou Elena Espinosa. Ademais de toda a historia que envolve a es-



Un grupo de alumnos contemplando as pezas do Museo Pedagógico de Galicia do IES Otero Pedrayo.

te centro, o equipo docente e todos os que forman a comunidade educativa, céntranse en conservar os tesouros que conforman este punto de aprendizaxe e incrementar proxectos que o convirten ademais nun dos espazos de ensino máis vangardistas. Deste xeito, no IES Otero Pedrayo están inmersos en diversos proxectos e plans que reforzan aínda máis os coñecementos do alumnado. Den-

de hai dous anos participan no denominado Proxecto Lector, trátase dun plan de lectura de 25 minutos diarios no que están a participar todos os alumnos da ESO e co que alternan o tempo adicado á lectura segundo as clases. Esta iniciativa está a contar con moi boa aceptación e uns resultados do máis froitíferos, así o confirma a avaliación de diagnóstico que realizan posteriormente.

No centro contan tamén con seccións bilingües, nas que participan tres grupos na asignatura de Matemáticas, nos idiomas de galego e inglés.

Outro dos proxectos nos que están inmersos é o coñecido como Abalar, no que participan os alumnos que cursan este ano de 1º e 2º de ESO. Todos eles contan con seus respectivos portátiles para a execución completa das clases. ■

SUMARIO

- Pagina 2 y 3: -Actividades e propostas complementarias durante todo o curso.
- Pagina 4: - Escolas de idiomas, seccións e estadias lingüísticas.

¡A revista dos peques!



O IES Otero Pedrayo é todo un referente entre os centros de ensino ourensáns. Cada curso contan cunha gran demanda de alumnado chegado dende todos os barrios da cidade.

Tardes de actividades complementarias

Repartidos nas modalidades educativas de ESO, Bacharelato e Educación Secundaria e Bacharelato de Adultos o IES Otero Pedrayo de Ourense conta este curso escolar con aproximadamente 850 alumnos. Encargados da súa formación académica e persoal están un 70 profesores especialistas nas

distintas materias que se imparten no centro. O alumnado chega diariamente a este centro de ensino procedente de toda a zona do Posío, pero ademais de moitos outros barrios da cidade, xa que se trata dun centro de ensino que está a ser todo un referente na formación do alumnado. Repartido en dúas edifi-

cacións, os alumnos contan cun horario intensivo, de 8:30 a 14:10 horas. Polas tardes, as actividades extraescolares convértese nas protagonistas. Contan cun elevado número de propostas, tanto as que se propoñen dende o propio centro como as que organiza a ANPA. No tocante ás primeiras, destacan es-


pecialmente as actividades deportivas e dispoñen de modalidades como o voleibol, o fútbol sala, badminton, ping-pong ou baloncesto. Todas elas contan cunha gran demanda e impártense diariamente de 16:00 a 19:00 horas. Por outra banda están aquelas actividades que propoñen dende a ANPA e este

curso contan por exemplo con teatro ou xadrez, entre outras.

As actividades culturais, saídas e viaxes completan as propostas educativas neste instituto ourensán. Deste xeito coñecen lugares cheos de encanto como é o caso de Francia, Portugal ou Asturias. Ademais, participan en numerosos concertos, obras

de teatro e ponencias ás que convidan tanto a personaxes de interés especial como a profesionais en materias concretas e de actualidade para disertar sobre temas de relevancia.

O IES Otero Pedrayo é por todo isto un dos centros de ensino de referencia máis importantes en toda a provincia de Ourense. ■




As novas tecnoloxías xogan un papel vital no aprendizaxe diario dos alumnos.



O centro participa no Plan Lector, unha iniciativa que está a ter resultados moi froitíferos.

O DIRECTOR



LUIS FERNÁNDEZ

O director do IES Otero Pedrayo de Ourense leva xa unha década exercendo esta labor nun centro ó que está vinculado dende hai ben anos. Luis Fernández é ademai profesor de Lingua Galega.

Traballa arreo para que este instituto ourensán se siga considerando como todo un referente na cidade e procura estar á vangarda en todo o referente ó ensino e equipar as instalacións cos medios tecnolóxico máis punteiros do momento.

FICHA

Centro:

IES Otero Pedrayo de Ourense

Alumnos:

850

Profesores:


70

Oferta educativa:

ESO, Bacharelato, Educación Secundaria para adultos e Bacharelato para adultos



O Paraninfo do Otero Pedrayo é o escenario perfecto de múltiples concertos e conferencias.



Na biblioteca do centro contan con volumes do século XIX, perfectamente documentados.

Espacios cheos de encanto e de historia

Instalacións moi ben equipadas



No soto está o Museo Pedagóxico de Galicia do centro, obxecto de múltiples visitas.



No pavillón polideportivo realizan as actividades física e polas tardes as extraescolares.